



Peter Olsen
Inatsisartuni ilaasortaq, Inuit Ataqtigiit

Kulturimut timersornermullu tunngatillugu aningaasaliissutit pillugit § 37 naapertorlugu apeqqummut akissut

13-09-2018
Sagsnr. 2018 - 18618
Dok. nr. 8716924

Postboks 1029
3900 Nuuk
Tlf: +299 34 50 00
Email: ikiin@nanoq.gl
www.nanoq.gl

Asasara Peter Olsen,

Inatsisartut suleriaasiat naapertorlugu apeqqutinnut qujanaq. Apeqqutigineqartut tullinguuttuni akissuteqarfigissavakka.

- Apeqqut 1: Aningaasanut inatsit 2018-imoortumi immikkut ittumik kulturilerinermut timersornermullu aningaasaliisoqassasoq. Makku pineqarput:**
 - 1 mio. koruunit isiginnaartitsinermik suliaqartunut ataa-siakkaanut suleqatigiinnulluunniit aningaasaliissutit
 - 1 mio. koruunit nunanut allanut unammisartunut
 - 1 mio. koruunit timersoqatigiiffiit nipilersortartunik tiki-sitsisarnissaanut
 - 500.000 koruuninik atuakkiortunut.

Aningaasaliissutit taakku atuuttussanngortinneqarsimappat?

- Akissut naamiuppat sumik tamanna peqquteqarpa? Qaqagu naatsorsuutigineqarpa aningaasaliissutit atuuttussanngortinneqassasut? Qaqagu naatsorsuutigineqarpa aningaasaliissutit atuuttussanngortinneqassasut?**

Akissut: Aningaasaliissutit apeqqutigineqartut siunertanut ataasiakkaanut pineqartunut sulii aningaasaliissutigineqanngillat.

Aningaasat pineqartut 2018-ip aallartinnerani immikkut aningaasaliissuteqartoqarneratigut aningaasaliissutigineqartussanngorlugit qinnutigineqarnissaat naatsorsuutigineqarsimagaluarpoq, aningaasallu pineqartut Ilinniartitaanermut, Kultureqarnermut, Ilisimatusarnermut Ilageeqarnermullu Naalakkersuisoqarfimmut tunniunneqarnissaat qinnutigineqartussaagaluarluni.

Taamanikkut Naalakkersuisuusut qinnuteqaammik Aningaasaqarnermut Akileraartarnermullu Ataatsimiititaliamut februaarimi nassiussimavoq, ataatsimiititaliilli suliaq qinersisoqartussanngornera pissutigalugu unitsissimavaa.

Naalakkersuisut nutaat junimi ivertinneqarnerisa kingorna suliaq aallartinneqaqqippoq. Naalakkersuisut suliaq 13. september sammivaat, kingornalu Aningaasaqarnermut Akileraartarnermullu Ataatsimiititaliamut qinnuteqaat nassiunneqarluni.

Aningaaliissutissat naatsorsuutigineqartut piffissami qanittumi aningaasaliissutigineqarnissat Naalakkersuisut neriuutigaat.

1. Apequt 2: 2. Filmiliortartut sulliviannut – filmværksted-issamut aningaasaliissutissat 1 mio. koruunit sulituuttussanngortinneqarsimannginnerat ilumoorpa?

A. Akissut aappiuppat atuuttussanngortinneqarsimannginnerat sumik peqquteqarpa? Qaqagulu aningaasaliissutit atuuttussanngortinneqassappat?

Akissut: Filmiliortartut sulliviannut – filmværkstedissamut aningaasaliissutissat 1 mio. koruunit sulituuttussanngortinneqarsimannginnerat ilumoorpoq.

Apeqqummut 1-imut akissutigisakka innersuussutigissavakka.

Inussiarnersumik inuulluaqqusilluta



Vivian Motzfeldt